

**Uunga siunnersuut: Inissianik aningaasalersuisarneq pillugu Inatsisartut inatsisaata allanngortinneqarnera pillugu Inatsisartut inatsisaat nr. xx, xx. xxx 2019-imeersoq.**  
(Inissialiortiternermut tapiissutitalimmik illulianik iluarsaassinermut, pitsangorsaanermut alliliinermullu taarsigassarsitsisarneq tapiissuteqartarnerlu)  
**Ineqarnermut Attaveqaqatigiinnermullu Naalakkersuisoq**

**pillugu**

**Sanaartornermut Ataatsimiititaliap**

**siunnersuutip pingajussaaneerneqarneranut**

**ILASSUTITUT ISUMALIUTISSIISUTAA**

Ataatsimiititaliap suliarinninnermini ilaasortarai:

Inatsisartunut ilaasortaq Anders Olsen, Siumut, siulittaasoq

Inatsisartunut ilaasortaq Aqqaluaq B. Egede, Inuit Ataqatigiit, siulittaasup tullia

Inatsisartunut ilaasortaq Nikkulaat Jeremissen, Siumut

Inatsisartunut ilaasortaq Justus Hansen, Demokraatit

Inatsisartunut ilaasortaq Pele Broberg, Partii Naleraq

UKA 2019-mi Ulloq 19. novembari 2019 aappassaaneerinninnerup kingorna siunnersuut ataatsimiititaliamit misissorneqarpoq.

#### **Siunnersuutip imarisaa siunertaalu**

Ataatsimiititaliap aappassaaneerinninnissamut isumaliutissiissutaanut iluarsiissut 15. november 2019-imik ullulerneqartoq innersuussutigineqarpoq.

#### **Siunnersuutip Inatsisartunit siullermearneqarnera**

Ataatsimiititaliap aappassaaneerinninnissamut isumaliutissiissutaanut iluarsiissut 15. november 2019-imik ullulerneqartoq innersuussutigineqarpoq.

**Tusarniaanermut akissutit**

Ataatsimiititaliap aappassaaneerinninnissamut isumaliutissiissutaanut iluarsiissut 15. november 2019-imik ullulerneqartoq innersuussutigineqarpoq.

**Ataatsimiititaliap siunnersummik suliarinninnera**

Ulloq 19. november 2019-imi aappassaaneerinninnermi UKA 2019/140 ataatsimiititaliamit suliarineqartussanngorlugu innersuuteqqinnejqarpoq. Aallarniutigalugu oqaatigineqassaaq annerpaaqik tapiissutigineqarsinnaasut 150.000 kr.-it ataatsimiititaliamit naapertuussorineqarmata. Qinnuteqarsinnaasunut killiliunnejqarpoq pillugu ataatsimiititaliaq allannguutissatut siunnersummik saqqummiussisaaq, taamaalluni qinnuteqarsinnaasut inoqutigiittut isertitaat 180.000 kr.-init 300.000 kr.-inut amerlineqarlutik. Tamatumunnga pissutaavoq ilaatigut ilaqtariit meerartallit aammalu soraernerussutisiallit inissiaminnik iluarsaanissamut, pitsangorsaanissamut imaluunniit allilerinissamut tapiissutinik qinnuteqarnissamut periarfissaqarnissaat Sanaartornermut Ataatsimiititaliamit immikkut kissaatigineqarmat.

Tamatuma saniatigut soraernerussutisiallit 2020-mit saniatigut isertitaqarnissamut periarfissaminnik atuerusuttut illuminnik iluarsaanissamut taarsigassarsinissamut periarfissaminnik aamma atuisinnaanissaat ataatsimiititaliamit kissaatigineqarpoq. Isertitanut killigitinneqartup ukiumut 300.000 kr.-inut qaffanneratigut illunik tapiissutitalinnik sanaartukkanik iluarsaaneq ataavarnerusumik ingerlannejqarsinnaassasoq ataatsimiititaliamit naatsorsuutigineqarpoq.

Qinnuteqarsinnaasut amerlassuserisinnaasaat ataatsimiititaliamit suli missilioruminaatsinneqarpoq, isertitatigullu killiliussap qaffanneratigut qinnuteqarsinnaasut amerleriarnissaat ilimagisariaqarpoq.

Eqikkaalluni ataatsimiititaliap siunnersummik siullermeerinnilluni suliarinninneq innersuussutigisariaqarpaa, tamumanit Ineqarnermut Attaveqarnermullu Naalakkersuisup paassisutissiissutigaa aningasat tapiissutissat qinnutigineqarsinnaasut atorneqaratik amerlanertigut uninngaannartartut. Minnerunngitsumik 2018-imi 1.000.000 kr.-it missaannaat atorneqarnerat eqqarsaatigalugu. Taamaalluni qinnuteqarnissamut periarfissat tamakkiisumik atorneqarsimasorinanngillat, tamannalu ataatsimiititaliamit ajuusaarnartinneqarpoq.

Kommuni sulianik assigiimmik suliarinnittarnissap qulakkeerneqarnissaanut malittarisassanik sapinngisamik piaernerpaamik aalajangersaanissamut Naalakkersuisut ataatsimiititaliamit kaammattorneqarput.

### **Siunnersuutip aningaasatigut kingunerisassai**


Siunnersuutip piviusinngortinneqarnerani aningaasatigut kingunerisassat siunnersuummut nalinginnaasumik nassuaatini allaaserineqarput. Tassani allassimavoq konto pingardeeq 87.72.23, inissialiortiternermut tapersiissutinut iluarsaassinissamut tapiissutinut tunngasoq, ukiuni missingersuusiorfinni 2020-2022-mi kommuninut nuunniarneqartoq. Kommunit akornanni agguassassinissaq Namminersorlutik Oqartussat kommuninut ataatsimoortumik tapiissutissaat pillugit isumaqatigiinniarternut ilaatinneqarpoq.

Tapiissutitalimmik inissialiortiternermut suliassaqarfiup 2022-p kingorna aningaasalorsorneqarnissaa qanoq qulakkeerneqalersaarnersoq Naalakkersuisut tungaannit oqaatigineqanngimmat ataaatsimiititaliap isumakulunnartikkini naggasiullugu oqaatigissavaa. Taamaaliornikkut kommunit aningaasartuuteqarneruleratarsinnaapput. Taamaattumillu tassunga naatsorsutigisatik paasissutissiissutigeqqullugit Naalakkersuisut ataaatsimiititaliamit qinnuigineqassapput.


### **Ataatsimiititaliap inassuteqaatai**

Ataatsimiititaliaq isumaqatigiittooq allannguutissatut siunnersummik saqqummiussivoq.


Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut pingajussaaniigassanngortippaa.



Anders Olsen  
Siulittaasoq




Aqqaluaq B. Egede  
Siulittaasup tullia



Justus Hansen



Nikkulaat Jeremiassen



Pele Broberg